

Crida a la mobilizacion contra lo G7 e lo son monde

Lo G7 qu'és aquò ?

Lo G7 qu'amassa las 7 potèncias economicas occidentaus (Estats-Units, Japon, Alemanha, França, Reiaume-Unit, Itàlia, Canadà). Qu'estableish ua ierarquia enter los país : que hè aonor aus qui son potents, ideologicament plan arrecats, e estreman los qui no'n son pas. Autan lèu vadut, lo G7 qu'ei estat contestat en per'mor de la soa il·legitimitat. En deféner lo libre-escambi, la desreglamentacion, l'austeritat budgetari, los país deu G7 an hèit que las inegalitats socials n'an pas deishat de créisher dinc a aténher lo nivèu de quasi cent ans a.

Los somius deu G7 simbolizan la dominacion de las màgers potèncias occidentaus. Ne serveishen pas qu'a har passar los compromés mei favorables aus interès deu capitalisme. Qu'ei dens l'encastre d'aqueths compromés qui's decideishen las politics economicas e financèras qui seràn impausadas aus pòbles deu monde.

Lo somiu qui vien aurà tanben ua especificitat : que's debanarà au Bascoat sus un territòri on la resisténcia a l'espleitada capitalista, a l'opression imperialista e eteropatriarcal ei enradigada e viva.

Lo monde deu G7

La tòca deus somius deu G7 qu'ei longtemps estada d'apedaçar dab pena las crisis successivas deu capitalisme en impausar au monde lo carcan neoliberal. Lo prètzhèit uei qu'ei de salvar a tot hòrt lo sistèma de las consequéncias de las politics qui an adoptat despuish mei de quaranta ans. Per aquò l'eficacitat a laquau pretenden qu'ei maumiada per l'instabilitat internacionau, las multiplas crisis entermescladas e la fòrça deus interès capitalistes ; las mesuras presas n'atacan pas jamei lo mau au pé. Aqueths somius organizats a granas còstas (500 milions de dòlars en 2018) ne son pas fin finala qu'operacions de comunicacion.

L'estat deu monde simbolizat peu G7 ei uei pregondament mortifèr. Los aspèctes nefastes son clars e incontestables :

- desreglament climatic,
- emposament de l'environment e reduccion de la biodiversitat,
- creish de las inegalitats enter los país e tanben enter las classas socials en cada país,
- guèrras imperialistas, conflictes avivats et praubèr tà milions de personas,
- migracions forçadas e país rics barrats,
- pujada de l'autoritarisme, deu fondamentalisme religiós e de las ideas racistas.
- creish de la violéncia de genre neurida per las politics neoliberals, despossession deus ciutadan-a-s, deus pòbles e deus territòris per l'omnipoténcia de las transnacionaus.

Ua bèra part de l'umanitat qu'ei privada deus drets elementaris contienguts dens la declaracion universau deus drets de l'òmi. Bèths pòbles que son tostemp denegats o violentament oprimits ; lo dret a l'autodeterminacion que'us ei tostemp refusat tanben en Euròpa. Las politics d'austeritat amian la degradacion de las condicions de vita e de trabalh en los quites país deu G7.

Qu'èm dens ua situacion de crisi sistèmica multidimensionau : social, politica, environmentau, geopolitica... qui miaça las condicions de la vita sus tèrra.

Quinas tematicas hèitas en davant tà 2019 ?

Cada an, entà respóner a las atacas contra la soa legitimitat, lo G7 presenta tèmas d'actualitat

e invita actors de la societat civila entà debàter. La realitat qu'ei que lo G7 n'a pas jamei tiengut los sons engatjaments. Las declaracions finaus son ua lista de bonas intencions pas jamei seguidas de mesuras concretas o constrenhentas : que sia sus l'ajuda au desenvolopament (en Escòssa en 2005), suus paradís fiscaus (en 2013 en Irlanda) o suus drets deus refugiats (Itàlia 2017). Exemples atau que n'í a en abonde.

L'aplec deu G7 e lo territòri tocat

Tau parçan pertocat l'aplec deu G7 qu'entraïna ua hòrta limitacion de las libertats publicas de circulacion o de manifestar. Qu'impausa un vertadèr estat de sièti e ua aucupacion policièra estofanta (qu'anonçan la vienguda de 15.000 militars e policièrs).

Perqué ac deverem acceptar shens mautar ?

L'utilitat deu G7, arrés ne i creden pas mei, arrés n'en vòlen pas mei Qu'ei un desperdici de dinèrs publics e la mei bona solucion qu'ei enquèra la soa dissolucion pura et simpla.

Au Bascoat tanben que bastim un aute monde

Que'ns mobilisaram a l'escadença deu G7 d'aost de 2019 au Bascoat per'mor que lo monde qui incarna deu cambiar pregondament e lèu. Bastir un aute monde ei possible e urgent ; e deu País Basco enlà qu'avem a har còrda. Ací tanben las mobilizacions e los projectes per fin de cambiar lo modèle que's son multiplicats : entà travar lo cambiament climatic, entà la libertat de circular, entà la defensa deus interesss de las tribalhadoras e deus tribalhadors, contra las dominacions de genre, entà la diversitat culturau e linguistica, contra la guèrra e tà la patz.

Qu'ei en per'mor d'aquò qu'en díser non au G7 que volem ahortir las nostas lutas tau cambiament sociou.

Que'ns mobilisaram entà deféner e bastir d'autes modèles, obrir d'autas vias entà un monde on justícia sociou, solidaritat e egalitat son exigéncias e realitats concrètas ; un monde qui existeish dejà en las lutas capvath la Tèrra entà :

- la rompedura dab la logica capitalista basada sus l'espleitada deu monde ;
- la fin deu patriarcat e de la division sexuada deu tribalh ;
- l'accion determinada contra lo desreglament climatic e en favor de mòdes de vita qui respècten e presèrven los ecosistèmas ;
- un monde basat sus la solidaritat enter los pòbles, l'anti-imperialisme e l'internacionalisme ; las relacions internacionaus desmilitarizadas ; lo poder de decidir democraticament de la nosta vita enter tots atau com lo dret a l'autodeterminacion tà tots los pòbles ;
- los medish drets entà tot-a-s l@s abitant-a-s deu planeta
- l'egalitat vertadèra deus genres, entà las poblacions victimas deu racisme e taus pòbles
- la defensa de la diversitat culturau e linguistica
- l'egalitat vertadèra deus genres, entà las poblacions victimas deu racisme ; los medish drets tà tot-a-s l@s abitant-a-s de la tèrra.

Que convidam totas las entitats d'acòrd dab aquesta crida a juntar la plataforma. Qu'aperam tanben totas las personas d'ací o d'alhors qui an en comun aquesta vision a mobilizà's entà amassar lo mei de fòrças tau G7 de Biàrritz d'aost de 2019 .

G7 EZ !

Plataforma País Basco
non au G7 e entà un aute monde